

Nos ku ta e yunan di **Dios Todopoderoso** mester tin un **Aktitut** di **Viktoria**. Tin skirbi ku **Nos** ta **Viktorioso**, Nos ta mas ku **Vensedó** (**Romanonan 8:37**). Pero tin ora nos **Aktitut** no ta muestra manera ku nos tin e **Viktoria**. Den e **Aktitut** di un hende por mira ken e hende ta berdaderamente. Nos **Aktitut** ta muestra realmente e **Kurason** i **Mente** di e hende. Dor di nos **Aktitut** nos por atraé un hende, trese un hende serka di nos òf ta repugnante, dunadó hende asko òf rechasá e hende.

Esaki ta apsolutamente e **Bèrdat**. Nos **Aktitut** mayoria biaha ta **muestra, revelá i divulgá** mas ken nos ta realmente, mas ku nos palabranan ta hasi. Ora nos tin un **Aktitut positivo i bon** mayoria biaha nos por atraé un hende bin serka nos, miéntras ku un **Aktitut negativo i malu** ta hasi nos repugnante òf rechasá un hende. Un otro **Problema** di un **Aktitut negativo i malu** ta ku e **Aktitut negativo i malu** aki por evitá, kita, restringí òf dè-s-fia nos for di e futuro briante ku **Dios Tata** tin pa nos.

Ata aki un **Bèrdat** tokante nos **Aktitut**. Nos mes ta skohe nos **Aktitut malu** òf nos **bon Aktitut**. Hende tin e tendensia di pensa ku ta dor di nos sirkunstansianan nos **Aktitut** ta kambia bira **malu**, pasobra den sirkunstansianan **bon** nos tin un **bon Aktitut**, esaki no ta e **Bèrdat**. Laga nos wak den e buki di **Bèrdat** kiko tin skirbi tokante nos **Aktitut**.

Adam i Eva a wòrdu krea dor di **Dios Tata** i pone den e hòfi di Edén, loke tabata un **Paraiso Perfekto**. Nan no mester a bai trabou, traha warda di anochi, limpia kas, kushina, laba paña òf stòfzùiger e kas. Nan no ta tin **Problema** ku e outo no ta start òf trein no ta kore awe. Nan no ta tin ku paga hür di kas òf bai hasi kompra. Adam i Eva no ta tin **Problema** finansiero, físiko òf mental, nan sirkunstansianan tabata **Ideal i Perfekto**, no ta tin niun kos **negativo i malu** pa evitá, kita, restringí òf dè-s-fia nan for di e futuro briante ku **Dios Tata** tin pa nan.

Kiko a pasa?

Adam i Eva a bira **deshonesto, desobediente i desagradesido** na **Dios Tata**. Adam i Eva tabata **rebelde** i a **rechasá Dios Tata**. Adám y Eva a skohe pa tin un **Aktitut negativo i malu** no opstante nan sirkunstansianan ku tabata **Ideal i Perfekto**. Asina aki hopi **hende** awendia (**2 Timoteo 3:1-7**) a skohe pa bira **deshonesto, desobediente i desagradesido** na **Dios Tata** i no kièr tende òf mira e **Bèrdat** di **Dios Tata**. Nan **Aktitut negativo i malu** ta loke ta evitá, kita, restringí i dè-s-fia nan for di e futuro briante ku **Dios Tata** tin pa nan. Nan mes a skohe e **Aktitut negativo i malu** aki sin niun hende forsa nan òf oprimí nan. Hende tin un **Boluntat liber** pa disidí di ta **Gradesido** i muestra **Gratitut** na **Dios Tata** òf di ta **rebelde** i **rechasá Dios Tata**.

Yeshua Mesias a duna nos e **Viktoria** dor e **Sakrifisio Sagrado** ku **Yeshua Mesias** a hasi dor di dramamentu di **Su Sanger** pa tur ku ta **Kere, Konfia** i **Kompartí** e **Bèrdat** di **Dios Tata**. Awor e **Viktoria** aki solamente ta bira un **Realidat** ora nos skohe pa un **Aktitut positivo i bon** i asina nos por trese e **Bon Notisia** i atraé e hende pa e tambe bin drenta e reino di **Dios Tata**. Tin konsekuensia ora abo disidí di ta **rebelde** i **rechasá Dios Tata**, meskos ku tin konsekuensia (**Juan 15:18-25**) ora abo disidí di **Kere, Konfia** i **Kompartí** e **Bèrdat** di **Dios Tata** i asina **Transformá** i **Unifiká** abo mes ku e reino di **Dios Tata**. Pero sabí ku **Yeshua Mesias** tin e **Viktoria** pasobra **Ela Vense, Triunfá** riba tur **Problema** (**Juan 16:33**).

Awor ta keda na nos **Boluntat liber** pa nos skohe e **Aktitut positivo i bon** den tur nos sirkunstansianan, pasobra asina so nos por tin e **Viktoria. Nos Viktoria** ta **Ankra, Asigná** i **Akreditá** den e **Amor** di **Yeshua Mesias** pa **Nos Próhimo** i **Dios Tata**.

24 febrüari 2017

Sea Bendishoná den e Amor di Yeshua Mesias

Rev. Remsly L Riley